

T52113/4452(11)

11

CHINESE - JAPANESE LIBRARY

HARVARD - YENCHING INSTITUTE

AT HARVARD UNIVERSITY

OCT 10 1952

〇〇議處通敵要堡疏

苑洛集卷之十四

〇〇議處通敵要堡以遏虜患以衛地方事

欽差提督鴈門等關兼巡撫山西地方都察院右副

都御史

臣

謹

題為議處通敵要堡以遏虜患以衛地方事臣會

同鎮守山西副總兵閱視邊關至捌角堡地方

看得本堡東去寧武關玖拾里南至鎮西衛壹

百肆拾里西至偏頭關玖拾里北至老營堡玖

拾里乃適中用兵之地正衝大同西路平朔奶

河堡莪麥川壹帶虜賊入寇之路又兼地方不



卷之十四

甚險隘虜騎可以長驅昔年大虜南犯屢由本
堡出沒於嘉靖肆年設立守禦千戶所改撥并
召募官軍共計額數壹千肆百員名添設守禦
指揮壹員操練兵馬修理城池保障居民緣自
立所以來其守禦官員未經奏請止是暫委空
閑指揮署管彼因責重任輕又且更調無常以
此兵將不識威令不行事務掣肘人心懈怠軍
伍日漸消耗邊備每見廢弛况本邊武職官員
甚少管隊等職皆係旗軍雖百戶亦無其守禦
指揮皆是腹裏衛分坐委是以戰陣不諳怯懦

無用徒擁虛器寄空名而已臣等議照宣府地
方如新河新開等堡官軍不過叁肆百員名又
無衛所亦設守備壹員管理今本堡官軍壹千
肆百員名又有守禦千戶所在內似應比照新
河等堡設立守備壹員專管如蒙

勅下該部再加議處如果臣等所言可采於邊衛推
選堪任守備貳員奏請簡用前來管理庶乎職
專任重人心畏服而虜患可遏地方亦可少賴
矣緣係議處通賊要堡以遏虜患以衛地方事
理未敢擅便為此具本專差謹題請

嘉靖拾伍年正月拾壹日

添擇緊要縣分官員以備地方事

臣謹

題為添擇緊要縣分官員以備地方事據山西布按貳司守巡董寧等道左叅政等官高叔嗣等呈稱照得山西地迫北虜連盡三關屯兵儲糧防據要害所屬繁峙縣附近鴈門虜人游騎往年常牧城下縣人尚能言其處實係緊切地方謹查諸司職掌各縣若不及貳拾里長者裁減

縣丞主簿繁峙縣壹拾玖甲設知縣典史各壹員固

國家定制但該縣比與他裁減地方不同各道會議得前事相應奏處該縣可添設縣丞或主簿壹員管理壹應糧草以備缺官掌印及別項調遣警急應用為便利如蒙軫念地方乞為奏請定奪施行具呈到臣議照繁峙縣當鴈門迤東壹帶山隘周圍數百里其東北境內為關者壹曰平刑寔乃山西之咽喉中國之樞紐若北虜異謀大舉圖入中國必由此途苟得人以守之

不惟可以為山西壹省之保障亦可以為天下之藩籬矣其北為隘口者四曰北樓口曰大石口曰小石口曰茹越口山皆壁立石多崇竦所謂壹夫當關千人莫敵者是也又為巡檢司者參曰北樓巡檢司曰平刑巡檢司曰茹越巡檢司各設官吏弓兵以備非常且有各處民壯輪流上班常川防守又為驛者壹曰沙澗其偏頭寧武鴈門及陝西延綏等處公差人役往來經由絡繹不絕况本縣境內地有遺利民有餘力田多膏腴人復純實故太原府言上等縣分必

以繁峙雖止設有壹拾玖里然其險則為扼塞之處其地則為富庶之區其途亦為衝要之所若得豪傑之士掌而治之則巍然雄鎮豈特為大縣而已哉顧以里長限制止設知縣典史各壹員中間壹遇各官丁憂陞調革職緣事等項事故則政皆委之吏胥再照該縣知縣又往往多以監生及各處才力不及人員除調舉人出身者甚少進士出身者絕無是以平居無事則錢糧之徵解欠明詞訟之枉抑蜩集境內之地利未興行旅之支應告乏而兵壯人等往往逃

避脫役若遇壹日警急其不足以爲禦外捍內
之倚仗可知矣誠有如左叅政等官高叔嗣等
所呈如蒙

勅下該部如果臣等所言可采合無將該縣添設縣
丞或主簿壹員分理縣事及備缺官署印仍選
擇進士中強幹有才力者壹人選爲知縣如此
則數年之間整理教養足食足兵禦外捍內之
備修而卒然之變可保無虞矣緣係添擇緊要
縣分官員以備地方事理臣等未敢擅便爲此
具本專差謹題請

奇

嘉靖拾伍年冬月

日

惡逆擄害尊長構賊殺死多命賄官枉法故

勘肆獄淹禁生靈乞

恩差官急救以伸大寃以決久訟等事

臣謹

題爲惡逆擄害尊長構賊殺死多命賄官枉法故

勘肆獄淹禁生靈乞

恩差官急救以伸大寃以決久訟等事據山西按察
司等衙門署印副使等官呈會問得犯人李儒

〇〇乞決訴疏

招年云等因具招連人參呈到臣簿查先節
該前巡撫山西右僉都御史案驗為查理告人
下落事又據

慶成王府校尉金漢告為因姦毆死人命久禁
屍親不得伸冤事又據該府儀賓李儒具狀令
家人李保兒抱告為勢惡攻圍住宅射死人命
買使投充刁徒捏詞裝陷苦主事又據李儒具
狀令李保兒抱告為勢惡謀領群賊射死人命
買通雙豪家丁扶同攢害姦謀將軍違例出廓
囑誣苦主等事俱經批行山西按察司究問明

的具招詳奪間續准都察院咨該

慶成王府革爵鎮國將軍奇瀛同男輔國將軍
表檄表柁奏為惡逆攢害尊長構賊殺死多命
賄官枉法故勘肆獄淹滯生靈乞

恩差官急救以伸大冤以決久訟事又據該府鎮國
將軍奇幹令家人王保兒抱告為極惡度人累
犯不悛招賊劫截坐守分贓刃傷親兄劫出獄
囚嚇打民財違法等事又據奇瀛訴為姦豪賄
囑主文改易供詞故陷無辜冤抑等事又據陝
西咸寧縣人任山西太原府同知郭鏗男郭芹

許為素惡讐誣職官事又據巡按山西監察御史會稿奉都察院巡按山西捌千肆百捌拾壹號勘合亦該奇臨奏為懇乞

天恩哀憐孤苦稔惡讐陷願隨祖居避毒害全恩義以免大難事又奉都察院巡按山西捌千陸百貳拾陸號勘合該

慶城王府荔蒲郡君儀賓李儒具本令姪李廷寶抱奏為讐惡將軍糾領賊黨擅用弓箭射死人命反擬虛詞攢害苦主乞

恩以伸冤抑事又奉都察院巡按山西捌千陸百叁

拾貳號勘合該奇臨同男輔國將軍表檄表柁前奏為惡逆攢害尊長構賊殺死多命賄官枉法故勘肆獄淹禁生靈乞

恩差官急救以伸大冤以決久訟等事又奉都察院巡按山西捌千陸百肆拾貳號勘合該已故

慶成王奇湏妃侯氏奏為謄錄敗倫庶人朦朧奏討冠帶紊亂

成憲事又該奇臨同男表檄表柁奏為肆惡逆構強賊殺死人命賄官害尊長乞

天恩彰大法殄元兇雪冤抑以息久訟以免釀成大

變事行間又准都察院咨又該奇瀛奏為賊姪
殺死多命攢謀屈陷尊長屢奏未得公勘死生
抱負大冤懇乞

天恩比例差官急救焚溺以明大獄等事又准都察
院咨該

慶成王府鎮國將軍奇澣具本令家人王保兒
抱奏為大肆黨惡招聚強寇劫掠殺人坐守分
賊刃傷親兄謀劫獄囚貽害地方等事俱經會
行該司併勘從公虛心鞫問明實平礙應參人
員壹併招參以馮覈實會奏施行間又該前

撫山西左僉都御史批據太原府同知郭鏗呈
為懇乞致仕暫准回籍仍候聽結久案以便下
情事又據郭鏗呈為挾讐誣奏已經勘明牽滯
不結先乞摘發以便下情事又據汾州申蒙本
院批據奇瀛具狀令家人小計兒抱訴為乞明
訪察善惡查究先後供詞辯雪讐冤誣枉等事
又據山西按察司分巡冀南道呈繳前巡撫山
西右副都御史批據汾州衛申為鎗劄親兄乞
驗傷捕群賊以安地方事及奇澣令家人張汾
州抱告亦為前事及前巡撫山西右僉都御史

批據汾州衛申稱竒瀛令家人小周兒抱告為
豪姪挾讐打死媪母措謀父傷遮飾罪犯事竒
澣令家人王保兒抱告為惡弟率賊持鎗劓傷
親兄事竒瀛又令家人小周兒抱告為黨惡糾
賊謀害親叔殺死二命激變地方事李儒令家
人李廷住抱告為讐兒聚賊搶剝事又據汾州
民任長壽告為勢豪將軍挾讐裝誣良善賊情
屈禁親隣家口急救生命事各該告詞繳報前
來又該竒澣夫人宋氏具狀令家人金保兒告
為擅放屢卷強賊故陷人命氣死親兄淹滯冤

抑等事竒瀛告為惡逆不孝蒸妾奴庶母爭分家
財氣死親父聽信儀賓宿娼酗酒率領群賊欺
毆尊長乞究以免患害等事續又准都察院咨
該

慶成王府已故鎮國將軍竒澣夫人宋氏具本
令汾州兒抱奏為蓋世逆弟挾讐劓死兄長勢
致強賊脫獄嚇陷人命乞

恩辯明冤苦急救生靈等事內稱臣夫不甘奏行一
本為敗倫傷化革職庶人不改前非故違

祖訓招集兇徒劫財放火謀殘骨肉虜掠強淫逼死

人命罪惡滔天乞除冤害事一本敗倫戾人冒
封子祿挾警刃傷親兄窩賊劫財謀死數命激
變地方懇乞

天旨差官懲首惡掃餘黨以正

祖宗成法事行間又准都察院咨又該

慶成王府革爵鎮國將軍奇瀛具本令家人小
郭兒抱奏為兇梟惡逆不孝不義不道不睦烝
淫庶母多分家財氣死親父鵠弟姦妹殺人害
叔懇乞

天恩明正誅戮以警風化以除大患事又准都察院

咨亦又該奇瀛奏為酷虐貪官受財枉法故禁
平人致死故入宗室賊罪事發脫逃冒任京職
乞

恩祛究以警欺詐等事又准都察院咨該戶部廣西
清吏司員外郎郭鏗下義男郭芹奏為雙害問
官嚇詐未遂不遵勘明成案添擬前詞覆行奏
擾乞

賜矜察以警稔惡以息刁風事俱該本院覆題查得
奇瀛等節次奏詞已行撫按會勘未報本院欲
候

命下仍咨巡撫都御史韓一會同巡按御史查提先
令奏內人犯逐壹作急勘究明白如果干礙郭
鏗一併參奏議擬施行等因題奉

聖旨是欽此欽遵備咨前來節經會案并批行該司
掌印官會同都布二司掌印官逐節從公鞫問
明實連人招參詳審續據該司看得各項奏告
頭緒多端事體頗大議呈欲委太原府知府張
承祚平陽府知府李櫟親詣汾州勘問緣由到
臣又經批仰該司依擬委用期在完結去後今
據招參解繳前來會同巡按山西監察御史公

同三司各掌印官一一細加研審俱無異詞除
批行各官將犯人李儒監候明文至日施行小
周兒劉釗等定衛發遣王達等依擬發落金漢
冀璠等各奏告人命撥置等情仍聽守巡道歸
結未獲強賊晏倫等行州衛巡捕官緝拏未到
俞賢等并本省故關巡檢司官吏嚴提問結其
鎮撫等官李棠等行令聽參外看得

慶成王府革爵度人竒臨心比蛇虺更多機變
之智性如狼虎尤有奸巧之能招群小為爪牙
任從撥置捐一身為城社大肆兇殘以嚇詐為

竒謀逞鬪訟為美事逼財害命窩盜殺人凌問
官劫罪囚恃勢難以枚舉包樂婦侵官地違法
不止一端劄傷親兄更何有於倫理捏誣親姪
實無異於仇讐摺拾勘官肆為虛誕驀越赴奏
實犯條章昔罪已懲前非不改今不重治後豈
能悛輔國將軍表據表桐表修律訟好鬪全無
禮讓之風聽誘為非罔知法律之禁包樂婦而
姦占自比娼優收棍徒以劫財何殊盜賊表修
平民被其打嚇尚延調于追贓表據告叔亦有
虛誣且買屍以圖賴又與表修服中挾妓作樂
忘哀輔國將軍表檢敢肆兇暴毆打公差與竒
瀛表據等節次乖違俱不遵乎

祖訓親屬構害實有玷于

宗藩參照山西都司汾州衛把門鎮撫李棠門
禁是司稽察不謹以致

宗室擅出封城該衛巡捕指揮王壽敢受賊盜
之財而公然賣放又與掌印指揮張文愷均有
地方之責而全欠關防

慶成王府武陽郡君儀賓郭經本因恐嚇頭畜
添誣劫奪重情該府署教授事典仗衛玘明知

卷十四
捫誣不行啓復及至檢舉又增虛詞俱屬違法
律合提問再照竒臨奏稱表樣與高要郡君通
姦又將父妾王氏薛氏表修將春梅表槽將來
喜各丞淫竒漸奏稱竒臨與六合縣君通姦儀
賓葉繼重氣身死俱于宮闈呂氏王氏二屍亦
在竒臨府内外人難以進入必須内臣體勘方
得明白合候

命下行

晉府長史司備由啓

王特差承奉壹員親詣分州會同該道守巡官

勘問庶事可結絕不致後詞緣竒臨表樣表桐
表修表檄俱

宗室郭經係儀賓張文愷王壽李棠俱軍職衛
珣係王府官李儒係行止有虧儀賓例應奏
請發落及係惡逆擯害尊長構賊殺死多命賄官枉
法故勘肆獄淹禁生靈乞

恩差官急救以伸大寬以決久訟等事并節奉

欽依事理臣等未敢擅便為此具本專差謹題請

嘉靖拾伍年叁月

下情激切懇乞

天恩願辭料價早賜夫匠修理府第以全母子居處

事

臣謹

題為下情激切懇乞

天恩願辭料價早賜夫匠修理府第以全母子居處
事據山西布政使司呈原議合用夫貳千伍百
名匠米百貳拾名分派澤沁貳州并本府各屬
縣分共計壹千叁百壹拾餘里每里夫匠貳名
半每日工食銀夫叁分匠伍分該州縣拘點齊

備差委合屬官壹員管領赴工中間若有願出
銀雇覓者聽令交收在官給付委官領解工所
雇人替當等因已經申報今蒙行勘但原議夫
匠若使解人則夫匠之更番不便官司之撥遣
亦煩且工久人怠不無逃竄之虞若使免差則
將夫匠之雜差盡歸貧難之下戶且日久差繁
不無靠損之累是解人不如解銀免差不如不
免之為便也其原議夫匠每里各出貳名半雖
若相應但里分有大小人戶有貧富若槩令照
里出派亦似未均合無行令各州縣掌印官查

照賦役文冊謫量三等九則分派前項工食銀兩中間里大而富戶多者量為加增里小而貧戶多者量為減少每年通融均派陸續徵完解赴本府貯庫就近雇倩夫匠解發管工官處着役仍委本府佐貳官壹員不時查點不許管工官作弊賣放如此庶重輕易舉而民無偏累事有稽查而工可就矣及照府第宮殿廂房門樓并燒造瑠璃甃瓦築砌墻垣等項工程浩大若以五年或恐過多而民力不堪若以叁年似乎太少而工難就緒今定擬肆年為期庶民不甚

勞而工得早完通呈照詳蒙巡撫山西右副都御史韓一批據本司呈前事蒙批以叁千之夫匠共肆年之工役是叁千壯丁肆年失業中間逃亡事故勢所必有議擬徵解工銀足見為民為事之意但本省地方近年以來屢遭災傷兼以徵科繁重今又益以是銀不惟民力不堪抑且追徵難完則民有實勞工無實濟仰再議處別有良便之法呈來具奏繳蒙此案照已經該道勘議前來通呈詳奪去後今蒙前因議照修理府第料價夫匠皆不可缺已經守巡等官估

計合用料價銀伍萬肆千餘兩夫貳千伍百名
匠柴百貳拾名

潘王乃灼見時艱深恤民隱辭免料價止用夫
匠今該守巡道會議前來欲將潞安澤沁府州
縣分槩里均派工食銀兩雇倩夫匠以肆年為
期夫叁千夫匠不為不多肆年為期不為不遠
倘處置失宜則

王府無落成之期有司吏胥恣別項之弊况前
項地方累經災傷近頗豐稔而祿糧邊餉自拾
年以來逋欠數多壹時併徵急於星火小民破

產賣兒以應官司殊不聊生今再加以此役則
壹府貳州之民無壹里而不應役無壹人而不
應役其為負累尤為繁重雖議徵銀比之應役
頗為便利但州縣之吏胥緣以為奸嗣歲之豐
凶難以預料倘致小民逃竄徵解不前不惟有
誤工程抑且貽憂地方誠有如本院之所慮者
相應議處合無將本司并所屬各庫無礙銀兩
通行查出務湊拾萬兩之數本年先解肆萬兩
以後拾陸年拾柒年拾捌年每年貳萬兩差官
徑送本府長史司交割責令雇倩夫匠與本府

旗校人等相兼做工等因備呈到臣簿查先據山西布政使司呈前事已經批議去後今據前因會同巡按山西監察御史看得布政司呈稱要將本司并所屬各庫無礙銀兩通行查出務湊拾萬兩之數本年先解肆萬兩以後拾陸年拾柒年拾捌年每年貳萬兩差官徑送本府長史司交割責令雇倩夫匠壹節無非期大工之早成寬里甲之出辦謹作事之流弊體

皇上親卹之義擴

賢王愛民之仁不為無見既經該司勘議前

相應奏請如蒙

勅下該部再加查議合無將布政司并所屬各庫無礙銀兩通行查出務湊拾萬兩之數本年先解肆萬兩以後拾陸年拾柒年拾捌年每年貳萬兩差官徑送本府長史司交割責令雇倩夫匠與本府旗校人等相兼做工事完之日通將做過工程用過銀兩買過物料各數目造冊奏繳查考如此度工料得以有濟而府第早見其成小人亦免偏累之苦矣惟復別賜定奪緣係下情激切懇乞

天恩願辭料價早賜夫匠修理府第以全母子居處
事理臣等未敢擅便為此具本專表謹題請

嘉靖拾伍年肆月拾陸日

地方災異自陳不職嚴糾度官以圖消弭事

臣謹

題為地方災異自陳不職嚴糾度官以圖消弭事

嘉靖拾伍年陸月貳拾玖日起至本年柒月貳

拾肆日止節據平陽府稷山縣臨晉縣太原府

五臺縣祁縣河曲縣石州靜樂縣清源縣沁州

自効疏

武鄉縣汾州介休縣孝義縣鎮西衛寧化八角
寧武守禦千戶所各申稱本年伍等月日不等
猛風大作驟雨連綿山水泛漲致將地方軍民
所種夏秋田苗俱被淹沒無存稷山縣及稱各
家房屋倒塌民人樊月等淹死衣服器皿頭畜
猪羊等物被水漂沒臨晉縣及稱峨嵋坡水泛
漲將北門并城墻衝開伍百餘丈擁入城內水
高約有丈餘致將居民周輕等房舍壹千伍百
餘間穀麥家活等器并鄉村衝倒房墻壓死婦
女馬氏等馬羸牛羊鷄犬無數及布按分司府

治六房牢獄儒學兩廡官宅齋號等房庫樓倉
墻養濟院盡行倒塌各房文卷泥壓破壞河曲
縣及稱蝗蟲從西北飛來遮隱天日喫毀田苗
石州及稱將民郭永陳等房屋壹百叁拾伍間
被水推沒介休縣及稱將民住房多有淹塌鎮
西衛及稱蝗蟲從西空飛約長數拾餘里從東
北梁家坪等屯飛去寧化守禦千戶所及稱天
池汾河狂水泛漲沿北關城墻填口頽傾伍拾
餘丈水流不及城門塞滿梁口進入關廂南平
等屯漂去人口軍餘賈伏胡興王政等房屋衣

糧漂毀數多八角守禦千戶所及稱溝渠平地
淤漫田禾孳畜無存蝗蟲從本所地方北甘河
等處寬約叁拾餘里長約肆拾餘里遮天隱日
喫田拾無壹貳寧武守禦千戶所及稱蝗蝻將
太原前衛虎北屯太原左衛麻峪等屯拜本所
三岔溝屯田苗喫毀又據嵐縣申稱本年柒月
拾叁日蝗飛遮天落食田稼壹空興縣申稱蝗
蟲經過苗稼俱被喫傷不得秀實各等情緣由
陸續具申到臣看得前項災傷係干民瘼重事
除行山西布政司委官分投踏勘明實另行具

奏續據平陽府蒲州申稱將南北貳鄉欠糧拾
圖人戶拘集東馬房立大比較間於本年陸月
貳拾叁日午時分忽有暴雨如注將馬道高墻
淋漓墻根浮動房屋壹齊傾倒當即搬救內有
打傷者壹拾伍名打壓身死者貳拾陸名等緣
由亦申到臣看係變異仍批行該州死者量給
埋葬傷者亦給醫藥經該官吏另行外卷查本
年陸月內先為天鼓鳴響事續為災異事將天
鼓鳴響冰雹打傷禾稼大水淹沒死傷人畜等
情已經貳次具題訖今據前因為照山西壹省

數月以來天鼓鳴冰雹降霖雨作蝗蟲生其災
異可謂重且數矣除行都布按三司并府州縣
衛所等衙門大小官員痛自修省以圖消弭外
臣聞之天人之際相為流通感應之機有如桴
鼓故和氣致祥乖氣致異人事所召天道弗僭
此固必然之理也臣又聞之洪範庶徵隨分省
驗職任有崇卑休咎有大小日月有久近地方
有廣狹各有所屬理不容紊臣為山西巡撫官
今山西地方災變累見感召之由其咎在臣緣
臣才本凡庸加之衰病雖葵藿之心徒勞效竭

而駑駘之質驅策不前待罪巡撫年餘以來尸
素日深負乘無補人事有缺災變斯應臣不任
其咎而委之誰哉伏望

皇上將臣特賜罷黜別選賢能以充任使再照山西
地方有司官員其庸劣貪懦職業不修之人比
之他處特甚壹事之小動經歲時壹訟之微動
費十百理斷不公冤抑不理強凌衆暴者益肆
姦傾術擠者日滋兼以撫字失道徵派無方貧
難之人無以自伸弱者舉家逃亡強者草竊行
劫鬱結之氣積而爲災合無

勅下該部再加議處行巡按御史比常嚴加考覈將
各官不職實跡具奏壹體罷黜庶幾災變可弭
而地方有賴矣緣係地方災異自陳不職嚴糾
庶官以圖消弭事理爲此具本專差謹題請

旨

嘉靖拾伍年采月貳拾玖日

倉糧事

臣謹

題爲倉糧事據山西布政司等衙門左布政使等
官呈稱據太原府申據本府大盈倉手本開稱

本倉宇宙厥不堪穀貳千貳百肆拾石玄黃厥不堪穀壹千壹百捌拾壹石叁升柒合捌勺貳抄信字厥不堪穀壹千伍百伍拾捌石伍斗寒字厥不堪穀叁千玖百柒拾石閏餘厥不堪雜糧穀壹千肆拾叁石伍斗小麥壹拾石黑豆肆拾壹石伍斗緣由到府轉申到司案查先抄蒙巡撫山西地方都察院右副都御史韓案驗據太原府知府揭稱親詣大盈倉將厥內收貯各年積穀上而去皮下而至底於中取出壹斗當面揶簸止得米壹升壹合累揶皆然令人作

飯食驗味苦難食備由案仰本司即便會行糧儲道并都按貳司掌印官將前項倉穀逐壹從長計議作何處分期為良便通將議處過緣由呈報等因蒙此已經行查去後今據前因會同本司掌印左布政使右布政使糧儲道右叅政按察司副使都司都指揮僉事議照前項倉糧積貯年深兼以地氣上升雨澤下濕鋪墊無法曬晾非時以致陳朽不堪壹至於此所據經手人員本當追陪但年遠事故無憑提究失今不處後將蓋甚今知府舉以為言相應亟處合無

候詳允日仍行太原府管糧官吊取該倉節年
版經卷簿到官逐壹通查明白除近年堆積堪
用外其餘前項陳朽不堪者盡行搬出曬晾扇
簸潔淨盤驗見數要見陳朽若干堪用若干另
版鋪墊如法收貯每遇支放軍糧之日搭配放
支及將巡撫衙門并司府衛縣等衙門官吏月
糧通行搭配庶不至於薰蒸槩壞但倉穀數多
事體重大必須奏

請庶可施行緣蒙案仰從長計議作何處分事理各
職未敢擅專擬合會議通呈為此今將前項緣

此項與前項更換

由呈乞照詳施行等因會呈到臣卷查先據太
原府知府揭帖前事已經案行山西布政司會
同糧儲道并都按貳司掌印官從長計議處分
呈報去後今據前因會同巡按山西監察御史
議照所呈前項倉糧委因積貯年深兼以地氣
上升雨澤下濕鋪墊無法曬晾非時以致陳朽
不堪壹斗揔簸止得壹升壹合失今不處將來
陳朽日甚壹日皆至通為灰塵是以有用之物
盡致之無用之地矣再照該倉經手人員法當
追陪委皆年遠事故無憑查究如蒙

勅下該部再加查處合無行令太原府管糧官吊取
該倉節年駁經卷簿到官逐壹通查明白除近
年堆積堪用外其餘前項陳朽不堪者盡行搬
出曬晾扇簸潔淨盤驗見數陳朽若干堪用若
干陳朽者開除堪用者另駁鋪墊如法收貯每
遇支放軍糧之日酌量搭配放支及將巡撫衙
門并司府衛縣等衙門官吏月糧通行搭配如
此雖於原數不無有虧尚可存拾分之壹貳不
至薰蒸燠壞盡為灰塵矣緣係倉糧事理臣等
未敢擅便為此具本專摺謹題請

旨

嘉靖拾伍年柒月貳拾玖日

傳報大舉聲息疏

臣謹

題為傳報大舉聲息事嘉靖拾伍年玖月貳拾壹
日據山西按察司分巡冀寧道帶管鴈門兵備
僉事稟帖報稱偏頭關副總兵差夜不收報稱
拾柒日達約有貳萬餘騎從青糜子溝等處
進邊到於老營堡地方岩頭寺下營離堡拾伍
里副總兵盡率偏關馬軍拾捌日到八柳樹堡

下營離賊營貳拾里本道拾捌日貳更時分奉
到本院明文即夜發行三關并八角守備等官
嚴加防守外等因據此本月貳拾叁日又據太
原右衛巡捕指揮稟帖報稱本月貳拾叁日西
時蒙偏頭關傳總兵差夜不收李欽等報稱達
賊約有肆萬餘騎叁股分行本月拾柒日虎頭
墩放砲壹箇總兵官守備領人馬前到地名高
家庄迎見東山墩夜不收報說達賊約有貳萬
餘騎往南行至岩頭寺方城下營有老營堡坐
營指揮王言本日卯時分領人馬至營盤梁下

營達賊約有叁千餘騎與王言對敵間續到達
賊約有壹萬將王言人馬圍定總兵官差夜不
收傳與王言每軍壹名牽馬叁匹步軍後排各
拏鎗砲又傳與老營堡管新軍指揮領步軍策
應王言總兵官又差夜不收叁拾名各拏火砲
至黃家營放砲吶喊策應王言馬盡入堡步軍
與達賊對敵奪下達馬貳匹總兵官八柳樹堡
領兵前往老營堡策應後添平虜衛叅將右衛
叅將共領官軍玖百員名合兵壹處達賊哨見
盡往西南去訖與哥嵐州相鄰其賊未回等因

隨據太原左等衛把總指揮稟報蒙委本職統領人馬貳拾壹日卯時到代州守備拾玖日未時起程有寧武關守備差夜不收傳報總兵官分付調取本城兵馬本日起程前赴偏頭關合營平虜衛朔州等處俱有大舉達賊傳放砲火不絕等情稟報前來又據代州守備稟帖報稱今有大舉達賊深入頭哨馬俱是先年叛軍引領深知地道墩堡下聲言要米段布疋適今在邊駐牧要來深入南搶鴈門拾捌隘口委的缺人守把其見在操軍不足行伍秋班遊兵上班

實難支持等因又准鎮守山西副總兵差夜不收齎執大同總兵官手本內開玖月拾肆日據東路參將差夜不收楊義口報拾貳日午時瞭報邊外西北來精兵達賊約有貳萬餘騎往東行走離邊約遠叁拾里據報得此會同巡撫大同都御史會議得北虜酋首小王子前次大舉入境搶掠被我兵馬敵退出邊今又舉衆復寇南侵勢甚猖獗本鎮兵力寡少必須請兵聯合遏截歸路共圖成功等情手本前來調取本鎮遊兵前去接援等因亦報前來本日據寧武關

守備差夜不收報稱玖月貳拾日達賊約有壹萬往馬邑縣灰泉子朔州等處去訖貳拾壹日達賊約有叁萬餘騎往朔州馬邑縣圪老壠去訖貳拾伍日又據鎮西衛指揮稟帖報稱玖月拾柒日達賊由朔州邊入拾玖日前哨賊捌騎至本衛離城陸拾里地名後子窪等處大營在於太原前衛小辛庄等處其零賊漫散於本衛右所大寨等處偶值天雨通宵不止未嘗大肆攻搶附近地方多無疎虞等因稟報前來貳拾柒日又據太原左衛指揮稟帖報稱蒙委本職

於玖月貳拾叁日到天門關貳拾肆日帶領官軍前到地名鐵漏窪溝離關壹拾伍里溝微窄處築石墻壹處山頂上臨邊集石塊貳拾堆秤搭溝山上築石墻壹處隨石墻下挑壕壹處集石塊叁拾堆柞山岔小路肆處天門關至凌井驛叁拾里俱石山溝通無斬削去處貳拾柒日帶領各軍前去築壘夾驢石口等因陸續稟報到臣卷查本年捌月貳拾捌日先准鎮守山西副總兵手本為傳報鄰境重大聲息事捌月貳拾肆日該鎮守大同總兵官差夜不收楊惟傳

卷十四
報達賊貳萬餘騎拆邊進入紅寺兒灣下營本
鎮遊兵調去朔州住劄但恐達賊侵越三關地
方兵力委的不支等情前來已經差人齎文前
去巡撫延綏都御史處煩照兵部題奉

欽依內事理將聽調官兵督發前來偏頭關防禦隨
准巡撫延綏都御史咨稱准鎮守延綏總兵官
手本查得本鎮奇遊兵貳枝兵馬俱蒙總制參
邊軍務兵部左侍郎調往西路哨守定邊等營
堡壹帶地方所徵官軍無從督發等緣由前來
臣恐大虜壹時侵犯兵馬寡弱何以支持隨即

移文副總兵如遇有警暫將禦冬黃河把總指
揮所統軍馬調去防禦間本月拾貳日准鎮守
山西副總兵手本及據三關遊擊呈各開稱本
年捌月貳拾肆日巳時准大同總兵官手本將
本鎮遊兵調去朔州應援後與大同人馬合營
分哨行至地名金家莊被賊將遊擊祝雄左小
指右腿肚左肩甲俱砍傷重不能領兵況今大
虜尚在鄰封乞要委官暫代遊擊祝雄領兵防
禦各等情俱各稟報到臣看得本省三關山西
所屬東路與大同渾源應州西路與大同朔州

馬邑等處地方相為犄角山南兵力寡弱全恃
渾應朔州馬邑地方以為屏蔽近日前項地方
不可倚恃而本省山南地方承平無備恐大
深入未免地方受害壹面案行鴈門兵備道三
關八角守備官及岢嵐保德河曲代州繁峙等
州縣各所屬地方俱要歸併堡舍預備器械銃
砲多積執石灰瓶等物防禦壹遇有警各就收
斂人畜堅壁清野壹面行委都指揮使前赴老
營堡代統遊擊兵馬選委都指揮僉事帶領官
軍前去鎮西衛等處地方把總指揮帶領官軍

敵

前去代州等處地方指揮帶領官軍前去天門
關等處地方各防守去後今據前因為照前項
虜賊自今年正月以來屢犯我邊或逐趕出境
或斬獲首級今乃於玖月拾米日大舉寇邊深
入我境東至繁峙縣地方西至鎮西衛伍所大
寨地方目今雖已出境而大營尚在朔州邊地
住劄察其形勢及各官所報較之往年寇邊情
狀頗異壹枝入洪州地方以綴大同東路之兵
壹枝既入老營堡地方旋入復出以綴大同西
路之兵使兩路之兵各自為救不能應援鄰封

之師而大營則深入徑下伍所大寨可以肆然
出境而無邀截之患其為奸謀亦深矣且調延
綏應援之兵又却不至再照本鎮極臨邊境兵
孤將寡而外援不至况今虜計狡詐異常即今
正係馬肥弓勁虜騎馳突之時彼虎狼之性貪
饕良無厭若再大舉深入其何以支哉伏望
皇上軫念三關地方為華夷分界重地

敬啟

勅下該部早加議處及行大同延綏援兵如遇虜賊
大舉深入三關地方隨即應援勿得自分彼此
致誤邊事庶虜賊入無搶掠之利出有邀截之

患則我地得安彼勢亦挫不敢復為深入之舉
矣邊方幸甚微臣幸甚緣係傳報大舉聲息事
理未敢擅便為此具本專差謹題

旨

嘉靖拾伍年拾月初壹日

來降人回傳報聲息事

謹

題為來降人口傳報聲息事嘉靖拾伍年拾月初
陸日據守備寧武關地方以都指揮體統行事
指揮使稟帖報稱本年拾月初肆日巳時據朝

來降傳報聲息事

州南窯子長宵夜不收傳說平虜衛來降達賊
說大舉達賊在大邊黑石崖駐牧各殺牛羊整
理餼饌熟食要搶南邊地方等因稟報到臣看
得所報前項酋虜先次大舉擁眾深入我境仰
伏

皇上神威遠布敵退出邊今又復謀入寇雖虜情請
詐聲東擊西未必即來然虎狼之性志在噬臍
况先次累入未經敗挫其氣頗驕復寇之舉難
保必無且各殺牛羊整理餼饌熟食似有攻窵
城堡之意况先次延緩援兵預調不來而大同

援兵亦復未至倘若壹時深入而參關兵刃寡
弱其何以支如蒙

勅下該部再加議處合無行文大同延緩撫鎮官員
虜果大舉入寇三關本鎮調取兵馬各督發聽
調奇遊等兵星夜兼程前來偏關住劄隨賊聲
勢應援截殺若或賊勢眾大深入久住聽臣亦
調宣府遊兵應援庶邊鎮有賴而地方無虞矣
緣係來降人口傳報聲息事理未敢擅便為此
具本專差謹題請

旨

嘉靖拾伍年拾月初柒日

請官專管庫藏以便收放防革奸弊事

臣謹

題為請官專管庫藏以便收放防革奸弊事據山西太原府代州知州申照得本省先年稅糧徵派本色本州原設監收同知壹員經收邊儲等倉場糧草正德拾年間奉布政司明文會議得平陽太原貳府澤潞等州縣稅糧馬草坐派三關各營堡折收價銀解司差官類解兵備道案發本州因缺監收去任知州代收出給通關銷

繳銀兩聽候三關并振武衛官軍月糧料草之用嘉靖元年以後監收同知管理收放中間多有吏員出身徃徃因事問革被盜皆因職微官卑人心不服及查得每年解到糧草價銀叁拾餘萬兩每月三關支放壹萬柒捌千兩有之貳萬兩有之見今該積銀叁拾壹萬餘兩况本州相離偏頭關并各營堡路途肆百餘里寧武關壹百捌拾餘里鴈門關肆拾餘里各關每月差委官旗赴州支領錢糧甚是不便况係邊餉重務為照大同庫藏設有部官今本州監收同知

官小力難支持錢糧重大亦與大同事體相同
查得寧武關先年設有官庫專壹貯放糧價合
無將本州原收三關錢糧乞改本關適中地方
比照大同事例奏

請部官壹員職專管理防革奸弊庶使官軍支給兩
便錢糧不致踈虞緣係邊儲重大事理卑州未
敢擅專擬合就行為此今將前項緣由理合具
申伏乞昭詳施行等因具申到臣看得代州知
州申稱本州設有監收同知專管收放三關各
倉場糧草價銀每年參拾餘萬兩節年監收同

知任內往往被盜問革皆因職微官卑人心不
服及要改設寧武關適中地方比照大同事例
奏

請部官壹員職專管理防革奸弊壹節不為無見但
事干改設監收軍餉重務會案行據山西布政
司等衙門左右政使副使都指揮僉事會議呈
報與前相同議照將勇兵強而後邊疆可寧士
飽馬騰而後軍威可振故足食足兵王政之要
而不可有所偏重也昔有漢之興蕭何不絕餉
道至與韓信並稱為傑而我

國家防邊禦虜凡有大兵重鎮如宣府等處皆有
郎中總督軍餉親自收支時有大警往往又以
大臣督餉如近年大同之變總制軍務則兵部
侍郎總督糧餉則戶部侍郎司糧儲之官顧不
重哉今山西三關之地偏頭關有副總兵老營
堡有遊擊將軍守備而下衛所關城營堡并黃
河禦冬官軍參拾餘處及貳府伍拾餘州縣修
守民壯又數千餘名歲辦糧銀參拾餘萬兩而
總司之者壹代州同知耳又往往多吏員出身
及年老之人前項糧銀皆其自收自放是其司

兵柄者則比之宣府等處亦甚重而司糧儲者
比之宣府等處為太輕矣夫以卑官下品之人
而司重利彼其日暮途阻中間虛出高收被挾
聽囑自守且不能矣况夫重利所在大弊從之
其豪強勢要之包攬衛所司隊之扣剋積年奸
書之侵索肆溢百出彼又何以能禁之哉故其
官往往多不能以自全或既罷官猶守支數年
新官無肯接管者知其利重弊多先已扣剋其
餘矣况偏頭關老營堡在本省極西北之隅而
代州在本省極東北之隅相去數百餘里而寧

武關則在適中之地城中舊有庫藏其公館數處亦頗宏大比之他州縣不同若於此處住劄收放則各官關領銀人員其為利便誠有如代州知州所言及山西布政司等衙門左布政使等官所議者如蒙

勅下該部再加議處合無比照宣府等處事例稍加低昂差主事壹員奉

勅管理親自收受各府州縣解到價銀并斟酌本折坐放各衛所司隊官軍俸糧草料及因時因地酌量主客兵馬糴買糧料草束稽察姦弊或給

批前來參年改選其代州同知查照偏頭寧武貳關同知事體遇有部官坐到本處倉場糧料草束收放如此則姦弊可革豪強可禁錢糧不至缺乏而邊兵有賴矣緣係請官專管庫藏以便收放防革姦弊事理臣等未敢擅便為此具本專差謹題請

旨

嘉靖拾伍年拾月初拾日

大舉聲息事疏

臣謹

大舉聲息事疏

題爲大舉聲息事嘉靖拾伍年拾月拾玖日酉時
准鎮守山西副總兵差夜不收報稱本月拾伍
日達賊貳萬餘騎從平虜井坪至朔州前後寨
劄營拾陸日開營由温嶺灰泉梁水溝叁股頭
兒過神池土棚至義井坪下營拾柒日早起營
由大辛庄等處擡營徑往西南去訖偏關老營
堡兵馬拾陸日午時到八角堡合營不滿肆千
員名支糧料襲賊尾當差火牌夜不收調大同
兵馬未至待虜賊分散開營搶擄再報在野人
畜已貳日前收斂盡入堅固堡寨等因具報到

臣卷查本年捌月貳拾玖日先爲傳報鄰境重
大聲息事已經差人齎文前去延綏巡撫衙門
請調兵馬間本年玖月初拾日續爲哨探聲息
議調鄰兵預防虜患事將達賊近邊兵馬不敷
議調援兵等情具題并差人齎文延綏大同各
巡撫衙門請兵俱未督發前來本年拾月初壹
日又爲傳報大舉聲息事將虜賊入境援兵不
至等情備本具題本月初陸日又爲來降人口
傳報聲息事已將來降達賊傳說大舉達賊在
大邊黑石崖駐牧各殺牛羊整理鋤鑿熟食要

搶南邊地方攻窵城堡等緣由具題及又調取
兵馬間本月拾捌日止准巡撫大同右副都御
史咨稱遊擊將軍統領本部兵馬前去朔州聽
候應援等因回咨到臣兵馬亦未到鎮臣會同
副總兵案行鴈門兵備僉事轉行三關守備等
官將沿邊壹帶地方緊要城堡修築城垣隘牆
挑挖壕塹坑窖并分布步軍民壯各嚴謹防守
及預為收斂人畜堅壁清野其腹裏地方臣會
同巡按山西監察御史備行司府州縣修城池
築堡寨操民壯嚴保甲操舍餘防隘口謹烽堠

脩戎器發火器動錢糧取號令明賞罰防禦外
今准前因臣已會行副總兵與遊擊所統兵馬
合營隨賊向往追襲行令各城堡守備各守疆
域防禦截殺其腹裏要害去處行委都指揮張
源統領寧武關下班官軍前去靜樂等處按伏
截殺指揮於信統領太原參衛隨操餘丁前去
天門關防守指揮李承祖統領馬步官軍前去
忻口等處按伏遏殺以備不虞切緣北虜近日
以來累次大舉深入形勢異常臣嘗參次具題
上徹

宸覽兩次告急調兵鄰封荷蒙

聖恩累次

勅下該部查議亦蒙本部酌量緩急處置周詳其鄰封援兵今竟不至即今虜賊狂率衆醜直至大辛庄等處擡營南下與靜樂縣地方相近倘乘虛深入腹裏地方承平日久人不知兵為患非輕而本鎮兵孤將寡委難支抵伏望

皇上軫念邊方重地

勅下該部再加議處合無行文大同延綏鎮撫官員作急督發奇遊等兵星夜兼程前來隨賊擊勢

應援截殺如或虜賊深入久寇查照臣先次具題許臣亦調宣府遊兵應援庶虜賊少挫不敢肆然而入邊鎮有賴而地方可保無虞矣緣係大舉聲息事理為此具本專差親齎謹題請

旨

嘉靖拾伍年拾月貳拾日

拾分緊急重大達賊累次深入攻圍城堡事

謹

題為拾分緊急重大達賊累次深入攻圍城堡事

嘉靖拾伍年拾月貳拾壹日卯時據寧化守禦

軍情緊急

千戶所署印千戶丘山稟帖報稱本月拾柒等
日達賊不知其數從寧武關支鍋石口等處進
入搶掠拾捌日寅時分約有參千餘騎到於本
所城北壹股四散各屯村搶掠殺人放火壹股
東北攻圍城池墩臺本所署印千戶丘山隨即
督率官軍舍餘并鄰城居住靜樂縣民人上城
分撥肆面各用弓矢器械火砲石頭砍打至本
日申時分方纔退回離城樹里石佛屯大舉達
賊住劄放火烧房搶擄人畜等情本日戌時又
據偏頭關守備楊遂稟帖報稱本月拾柒日午

時分據原差平虜衛傳事夜不收段三稟稱拾
陸日本城走回人口來說邊外還有陸萬達賊
拾柒捌要搶山西本月貳拾貳日又准副總兵
差夜不收武剪兒口報大舉達賊不知其數前
後聯絡參拾餘里深入鎮西衛地方往西南去
訖各等情稟報到臣看得前項虜賊近來糾集
衆醜累次大舉深入本年捌月貳拾伍日越過
大同鎮渾源應州廣昌等州縣及過界山直入
繁峙縣地方玖月拾捌日越過老營堡偏頭關
八角所等處直入鎮西衛伍所大寨地方拾月

拾柒日又從平虜井坪朔州由温嶺灰泉梁水
溝過神池土棚義井至大辛庄直至靜樂縣界
至寧化所攻圍城堡今又糾合大眾前後聯絡
叁拾餘里深入鎮西衛地方西南去訖為照前
項虜賊先年固有深入之時然皆數年壹至旋
入即出未有如近日前後不叁月間肆次深入
而每入動則數萬至於今次之入賊營聯絡叁
拾餘里勢甚猖獗而攻城放火大異尋常且賊
既入鎮西衛地方則長驅南下無復武備腹裏
地方承平日久人不知兵孰能為之支抵正使

虜無他志得利即回又安知既去不即復來而
本鎮兵孤將易副總兵及遊擊將軍合兵不過
肆千餘員名累調鄰兵匹馬不至而虜勢猖獗
如此雖使豪傑之士遇之寡固不能以敵眾壹
固不能以當百而況臣等凡庸之輩哉臣事在
剥膚心誠危懼伏望

皇上軫念民命至重地方可虞拾分急迫

勅下該部早加議處查照嘉靖拾貳年宣大重大聲
息事例調發遼東延綏遊兵各壹枝前來聽臣
及副總兵調用事寧各歸本鎮或照臣近日節

次具題調大同延綏遊兵應接及賊久住深入亦調宣府遊兵度虜賊少挫不敢再為深入之舉矣邊方幸甚微臣幸甚緣係搶分緊急重大達賊累次深入攻圍城堡事理為此具本專差親齎謹題請

嘉靖拾伍年拾月貳拾叁日

風憲官員患病危迫事

臣謹

題為風憲官員患病危迫事據山西按察司分巡

屬官患病疏

河東道兼理兵備僉事王世隆呈據河東運司經歷司承准使司照會切照巡按山西等處監察御史沈鐸自巡按河東徧歷蒲解貳州猗氏等拾貳縣清審鹽丁除革奸弊因風土不宜飲食不節遂起痰嗽寒熱之疾藥石罔效近來前疾愈甚况舊有怔忡腸風痔漏等症不思飲食日見本官病勢狼狽不敢隱默况齟政係干邊儲事關三省不可壹日缺官合行照會本司即便轉呈施行等因到道為照本院自按臨河東本道亦嘗巡歷相隨親見本官委有前疾且今

復作愈重誠難料理鹽法擬合呈報爲此今將
前項緣由理合呈乞照詳奏報施行等因具呈到
臣看得所呈惟恐尚堪調理復差醫官李九思
前去診看得本官委有前疾亦報到臣據此切
照巡按山西等處監察御史沈鐸自受命以來
徧歷州縣清審鹽丁大小鹽政理處得宜風力
丕著憲度克修人心畏懷地方仰賴正宜始終
其事以答群望但委因風土不宜致成前疾况
本官夙有怔忡腸風痔漏等症新舊之疾壹時
交作藥不即功體日以弱不能經理壹切政務

必須久於靜養方可望其生全如蒙伏望

皇上軫念鹽政重務事關三省不可壹日缺人乞無
勅下該部查例行令本官回籍調理病痊赴部聽用
仍別差御史壹員前來接管鹽政如此則不惟
本官得以荷

皇上曲成再造之恩而鹽政亦不至於廢弛矣緣係
風憲官員患病危迫事理未敢擅便爲此具本
專差親齎謹題請

奇

嘉靖拾伍年拾壹月初陸日

苑洛集卷之十四

